



QUÆSTIO MEDICA,  
CARDINALITIIS DISPUTATIONIBUS  
MANE DISCUTIENDA

IN SCHOLIS MEDICORUM,

Die Jovis vigesimâ quintâ Februarii 1706.

M. MICHAELE SAUVALE,

DOCTORE MEDICO,

PRÆSIDE.

*An morbi omnes omnibus fiant temporibus?*

I.



ERIS nobis inest necessitas, ut eo destituti, ne breve quidem tempus vivere possimus: ab eo tamen interdum non minùs, quàm à quâvis insalubri causâ lædimur, dummodò calidior, aut frigidior,

aut vitiosâ qualitate infestus , periculosos invehit morbos , & tum præsertim , cum magnæ & repentinæ in eo fiunt mutationes.

## I I.

**H**INC austrinâ constitutione caput repletur , caligo oculorum , auditûs gravitas , mentis & corporis torpor & pigrities generatur , & multis , putredinis affertur occasio ; Aquiloniâ vero tusses , raucedines , urinæ difficultates , costarum & thoracis dolores excitantur ,

## I I I.

**V**ER quamvis temperatum saluberrimum , dum corpus variis humoribus repurgare conatur , interdum maniam , epilepsiam , hæmorrhagiam , phlegmones , catharrhos , impetigines , arthritidem : æstas , biliosos affectus , & ardentes tertianas febres , erisipelata : autumnus melancholicos morbos , asthmata , tabem , dysenteriam , lenteriam : hyems nervis & cerebro inimica , pituitosos morbos parit.

## I V.

**C**UIQUE etiam ætati suæ insunt familiares affectiones , nam pueruli recens nati , aphtis , vomitu , pavoribus , comitiali morbo vexantur : Paulò grandiores , gingivarum prurigine , febribus , convulsionibus , diarrhœâ. Qui pubertati sunt pro-

3

ximi calculis , asthmate , lumbricis ; tonsillis , & multis tuberculis : Post pubertatem , hæmorrhagiâ juvenes , sanguinis sputo , tabe , febribus acutis : declinantes ætate melancholicis , & senes pituitosis affectibus cruciari solent.

# V.

**M**ORBI, qui ferè omnes ab aere & victu proficiscuntur , non statim , quamvis suam secùm habeant præsentem causam , quibusque imprimuntur corporibus , sed ad horum generationem plurimum facit corporum afficiendorum præparatio, quorum , cum omni ætate multa sit in temperie varietas , nihil mirum si diversis , & qui tempori & ætati non videantur convenire , corripiantur morbis.

*Ergò morbi omnes omnibus sunt temporibus.*

Proponebat Parisiis JOANNES FRANCISCUS COUTHIER,  
Vitellensis , Baccalaureus Medicus. A. R. S. H. 1706.

---

Apud Viduam Francisci Muguet , Regis & Facultatis Medicinæ Typog.